

Wien, Österreichische Nationalbibliothek (ÖNB), Cod. 1369

1983

C O D I C E S O H

1984

impedimenta in propria persona non possit Pontificem adire, misse ad praestandam obedientiam Johannem comitem in Schwanenberg, Leopoldum de eckertschaw, et Othonem de hobenberg, item Henricum flecklin apost. Palat. caufar. Auditorem et se Oratores. Etiam de hac Adlocutione silent, qui de Nicolao nostro egere.

Fol. 426. p. 2. Tractatio theologicocanonica, quae sic orditur: Circa potestatem a Christo collatam prelatis ecclesie sex per ordinem sunt videnda. Primo de potestate Petri, Secundo de potestate Apostolorum, Tertio de potestate Discipulorum, Quarto de potestate Pape, Quinto de potestate Episcoporum, Sexto de potestate Curatorum. Horum VI. Articulorum quilibet in plures abit Conclusiones. Ita primus in 5. secundus in octo, verum in media Conclusione 7. deficit evulsis foliis laboriosus hic Codex.

DCCCX.

U. 569 Codex membraneus lat. Sec. XIV. Folior. 333. 4. per duas columnas nitide exaratus, rubricis distinctus et, ut fronte et calce adseritur, Collegio Ducali anno 1425. donatus a Venerabili Viro M. Johanne Aygel de Chornenwburga Artium et Medicine Doctor, qui undecies Facultati suae

Decanus, et a. 1412. Academiae Rector praefuit, varias Sermonum sacrorum Claves exhibit, quarum I. complectitur Dominicales et Feriales per annum in Epistolas et Evangelia, II. fol. 95. Quadragesimales, III. fol. 138. pro Festis Domini, IV. fol. 165. pro Festis B. V. Mariae, V. fol. 185. de S. Viris, VI. fol. 243. de S. Feminis, VII. fol. 257. Sermones mixtos et asceticos. Exordium est ab Adventu, praeitque Processus generalis per aduentum, qui incipit: *Preparare in occursum dei tui israel. Amos. 4. c. Verbum istud per totum aduentum predicable est. in quo tria attendenda. Primo cui dicitur quod Israel &c. Sermones plerique breves sunt, pleni numericis illis distributionibus, quas, qui illis uti velit, deducat primo et amplificet. In Classe V. Sermones sunt de Stephano, Ladislao et Emerico, quem Henricum facit Librarius, Hungariae Regibus, unde Hungarum fuisse, aut faltem ad Hungaros dixisse Nostrum infero. Nec tamen Collectio nostra aut Pelbarti de Temeswar Pomorium, aut Fratris Hungari Biga Salutis est, quae Sec. XV. typis edita habemus. Fol. 184. p. 2. alia aequa vetusta manu adjectae sunt X. Distichis comprehensae Figurae V. T. quae Deiparae accommodari solent, hoc initio:*

*Archa, columba Noe fuit hec, Moysi rubus, Aaron
Virga, Jacob scala, septima spica Joseph &c.*

Item

Wien, Österreichische Nationalbibliothek (ÖNB), Cod. 1369

1985

H O M I L E T I C I .

1986

Item non melius metro illigata
Nomina omnium Librorum bibli-
corum: *Genesis. Exo. Levi. Nu-
me. Deu. Josu. Judic. et Ruth &c.*

DCCCXI.

U. 197 Codex chartaceus lat. Sec.
XV. Folior. 394. 4. non una ma-
nu exaratus, olimque partim a *M. Andrea de weytra*, partim a *M. Wolfgango de Egenburga* relictus
*Collegio beate marie virginis domus rubee Rose apud fratres predicatorum in wyenna Congeries est Sermonum intra annos 1418 — 61. partim in Aula Collegij Ducale, partim in Monasterio Predicorum aut Scotorum ad Academicos habitorum, oratoribus, qui nominantur, *M. Petro de Pirchenwart et M. Job. de Titmanning*; neque enim Sermones omnes vel annum, vel locum, vel autorem produnt, neque operae pretium est, minutius in haec singula descendere. Interpolantur tamen Sermones hi quibusdam Argumentis aliis, quae indicanda censeo.*

Fol. 21. p. 2. Sermo Clementis Pape de Sancto Johanne Evangelista. Mirandum, Sermones facundi hujus Pontificis, ordine Sexti, a. 1352. demortui a nemine typis hactenus commissos fuisse. Συλλογή eorum unam inter Codices Homileticos retuli Vol. I. P. 3. Extant praeterea Ms. in pluribus Bibliothecis Angliae et Galliae, ut videre est apud Oudinum T. III. col. 931. in Paulina Lips. in Rhemensi Archiep. in Cathedrali Metensi, ubi Sermo

noster habitus dicitur *Pontificatus sui anno quarto.* Thema illius est: *Hic est discipulus ille &c. Job. ult. et initium: Cum considero de gloriosissimo apostolo et evangelista iohanne, quod secretorum ignotorum est audius indagator &c.*

Fol. 190. p. 2. inserti Sermones IV. S. Bernardi, nempe I. II. et III. de Purificatione B. V. Mariae, qui in edit. Maur. leguntur T. III. col. 959—62. et de Annunciatione II. qui ibi sequitur col. 977. Interjecta tamen sunt inter II. et III. Excerpta ex Apologia Ejusdem ad Guilelmum Abb. quam invenies T. II. col. 527.

Fol. 239. Adlocutio gemina quorundam Visitatorum ecclesiasticorum, quorum prior incipit: Speciales viri, Patres ac domini mei digne recolendi. Indignum non autem, si quem ex vobis questionis ambiguitas pulsaret, que causa nostri ad vos aduentus et vestre congregationis ad nos conuenitus existeret &c. Altera: Reuerendi Patres et Domini in christo sincere dilecti. Ex mandato et commissione speciali reuerendissimi in christo patris et domini nostri domini Leo. (nardi a Layming) episcopi patav. nec non dispositione ac iussione serenissimi principis Alberti domini nostri ducis Austriae &c. Agitur de Visitatione Cleri infra Anasum, ut in utraque Adlocutione exprimitur, ab ista parte Danubij, idque, ut in priore, ex statuto sacrae Synodi, que pridem (pridem?) in ecclesia patavensi solemniter et devote exitit celebrata. Dioecesis hanc visitatam fuisse

a.